

SA EXAM PAPERS This Paper was downloaded from SAEXAMPAPERS  
**SA's Leading Past Year**

**Exam Paper Portal**



*You have Downloaded, yet Another Great Resource to assist you with your Studies 😊*

*Thank You for Supporting SA Exam Papers*

**Your Leading Past Year Exam Paper Resource Portal**

Visit us @ [www.saexampapers.co.za](http://www.saexampapers.co.za)



**SA EXAM  
PAPERS**

**SA EXAM PAPERS**  
Proudly South African



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA U THOMA (P1)

LARA 2025

TSUMBANDILA YA U MAKA

MARAGA: 70

Tsumbandila iyi ya u maka i na masiatari a 9.



**KHA VHA PFESESE:**

- Memorandamu uyu u tou vha tsumbandila fhedzi ya u thusa vhatoli/vhamaki.
- Ngauralo, a u tei u vha wone ambadzifhele nga wothe lini.
- Phindulo dza vhagudi dzi tea u sedzwa u ya nga vhukoni ho taniwaho kha phindulo yeneyo.
- Phindulo dzi tea u eliwa nga u angaredza, nahone mbuno dzi newe ho teaho zwi tshi tevhedza maga o dzhiwaho kha mutangano wa ndinganyiso.
- Memorandamu uyu u do thoma wa dzulelwa dzulo nga vhothe vha kwameaho musi u tola/maka hu sa athu u thoma.

**KHETHEKANYO YA A: THOLOKANYONDIVHO****NDAELA KHA VHATOLI/VHAMAKI****Maga a u tola/maka tholokanyondivho:**

- Ngauri ndivho i kha u pfesesa, mupeleto wo khakheaho na vhukhaki ha luambo kha phindulo zwi songo newa ndatiso nga nda ha musi vhukhaki honoho vhu tshi thithisa kupfesesele/u shandula zwi ambwaho. (Honeha, vhukhaki vhu di fanela u sumbedzwa.)
- Arali mulingiwa a shumisa maipfi a luambo luwe lune a sa khou lingwa khalwo, kha vha tsinye ito kha maipfi ayo, nahone arali phindulo i tshi kha di pfala, hu songo vha na ndatiso. Honeha, arali ipfi li bvaho kha luwe luambo lwo shumiswaho kha tshibveledzwa nahone la lavhelelwa kha phindulo, izwi zwi a tangedza.
- Kha mbudziso dzo vuleaho, a hu na maraga dzine dza fanela u avhelwa kha EE/HAI kana NDI A TENDA/A THI TENDI. Tshiitisi/thikhedzo/thuthuwedzo ndi zwone zwine zwa fanela u sedziwa.
- A hu na maraga dzine dza tea u avhelwa phindulo dzi todaho NDI NGOHO/A SI NGOHO kana MBUNO/KUHUMBULELE. Tshiitisi/thikhedzo/thuthuwedzo ndi zwone zwine zwa fanela u sedziwa.
- Musi phindulo ya ipfi lithihi yo lavhelelwa, hone mulingiwa a nea fhungo lothe, kha a newe maraga; tenda fhedzi ipfi lo lavhelelwaho la talelwa kana lo sumbedzwa.
- Musi mbuno mbili/tharu dzi tshi todiwa, ngeno nnzhi dzo nekedzwa, kha vha make fhedzi mbili/tharu dza u thoma.
- Kha vha tangedze u fhambana ha nyambotavhi.
- Kha mbudziso dza u nanga kha zwinzhi, kha vha tangedze ZWOTHE, ledere li livhanaho na phindulo yone NA/KANA phindulo yo nwalwaho nga vhudalo.



## MBUDZISO YA 1: U VHALA U ITELA U WANA THALUTSHEDZO NA U PFESESA

### MBUDZISO YA 1

#### PHINDULO: TSHIBVELEDZWA TSHA A

- 1.1 Ndi u vha na muloro/tshipikwa.√ (1)
- 1.2 - U itela uri a kone u tsireledza muṭa.√  
- U itela u tikedza muṭa.√ (2)
- 1.3 - Zwi mu ṅea mutakalo.√  
- Zwi ita uri a vhonele a wa ndeme tshitshavhani.√ (2)
- 1.4 - U rengela vhagudi zwishumiswa zwa ngudo.  
- U ṅetshedza tshifhinga tshawe nga u tou shuma.  
- U thetshelesa zwine vhathu vha ṭoda.  
- U ṅea vha shayaho zwiliwa.  
- U ṅea zwifuko zwi dudelaho.  
[ZWIRARU fhedzi.]√√√ (3)
- 1.5 U sumbedza vhathu uri vha tea u thusana/Muthu ha koni u ita zwinzhi a eṭhe.√√ (2)
- 1.6 - Muhumbulo muhulwane ndi wa uri muswa kha ḍiimise musi a tshi nanga buḍo, a songo edzisela khonani musi a tshi khetha zwine a tama u vha zwone, a dovhe hafhu a ṭode ṅdivho yo fhelelaho nga ha buḍo ḷawe.√√ (2)
- 1.7 - Zwi vhangamitsiko ya muhumbulo.√  
- Zwi ita uri muvhili u dzulele u farwa nga malwadze.√ (2)
- 1.8 D/mu sasaladza.√ (1)
- 1.9 Ee, ndi a tendelana nazwo ngaauri:  
- Arali muthu a tshi ḍitanganedza/pfesesa na vhaṅwe vha a mu pfesesa/ṭanganedza.  
- Muthu kha tende uri vhathu vho fhambana/a vha fani.  
- Muthu a vhesa na thaidzo a vhona a sa dzhiewi ṅṭha zwi a mu vhangela na malwadze.  
[Mbuno THARU dzi pfalaho]√√√ (3)



- 1.10 - Ndi nga mu eletshedza uri a ye kha vhashumelavhapo.  
 - Ndi nga mu eletshedza uri a ye kha vhafunzi.  
 - Ndi nga mu eletshedza uri a ye kha vhadivhivhamihumbulo.  
 - Ndi nga mu eletshedza uri a ye kha vhathu vhahulwane vha muṭa vhane a vha fhulufhela.  
 [ZWIRARU fhedzi zwi pfalaho]√√ (3)

**PHINDULO: TSHIBVELEDZWA TSHA B**

- 1.11 Ndivho ine mufodi a khou i bveledza ndi ya u thusa vhaholefhali/vha sa koni u diitela nga u vha nekedza tshomedzo dza u vha thusa.√√ (2)
- 1.12 - Ndi pfanelo ya uri muholefhali u tea u dzhena tshikolo huiwe na huiwe.  
 - Ndi pfanelo ya u thonifhiwa ha vhaholefhali.  
 - Ndi pfanelo dza u itelwa tshumelo sa mudzulapo wa Afurika Tshipembe.  
 [ZWIVHILI fhedzi zwi pfalaho].√√ (2)
- 1.13 Vhudipfi ha u takala,√ ngauri ndi vhona muholefhali a tshi khou netshedzwa tshishumiswa tsha u gogodela ngatsho musi a tshi tshimbila.√ (2)

**PHINDULO: TSHIBVELEDZWA TSHA A NA B**

- 1.14 Zwothe zwi khou amba nga ha vhaswa vhane vha thusa tshitshavha tsha havho.√ TSHIBVELEDZWA TSHA A tshi khou amba nga ha vhaswa vhane vha thusa vhadzulapo nga u vha nekedza zwishumiswa zwo fhambanaho sa zwishumiswa zwa ngudo na zwiinwe,√ ngeno TSHIBVELEDZWA TSHA B hu tshi vhonala vhaswa vha tshi khou nekedza mugudi wa muholefhali tshishumiswa tsha u gogodela ngatsho.√ (3)

**THANGANYELO YA KHETHEKANYO YA A: 30**

**KHETHEKANYO YA B: MANWELEDZO****MBUDZISO YA 2: U NWELEDZA NGA MAIPFI ANU****Ndila ya u maka manweledzo:**

Manweledzo a tea u makiwa nga ndila i tevhelaho:

- **Kuavhelwe kwa maraga:**
  - Maraga dza 7 kha mbuno dza 7 (maraga 1 kha mbuno).
  - Maraga 3 ndi dza luambo.
  - Thanganyelo ya maraga: 10
- **Kuavhelwe kwa maraga dza luambo musu mulingiwa a songo anulula/kopolola maipfi o tou ralo:**
  - Mbuno dza u bva kha 1–3 dzi re dzone: avhelani maraga 1
  - Mbuno dza u bva kha 4–5 dzi re dzone: avhelani maraga 2
  - Mbuno dza u bva kha 6–7 dzi re dzone: avhelani maraga 3
- **Kuavhelwe kwa maraga dza luambo musu mulingiwa o anulula/kopolola maipfi o tou ralo:**
  - Khouthesheni dza u bva kha 6–7: ni songo avhela maraga dza luambo
  - Khouthesheni dza u bva kha 4–5: avhelani maraga 1 ya luambo
  - Khouthesheni dza u bva kha 2–3: avhelani maraga 2 dza luambo

**PFESANI:**

- **Tshivhalo tsha maipfi:**
  - Vhamaki vha tea u khwathisedza tshivhalo tsha maipfi o shumiswaho.
  - Vha songo tusa maraga arali mulingiwa a songo sumbedza tshivhalo tsha maipfi, kana arali tshivhalo tsha maipfi tsho sumbedzwaho tsho khakhea. Arali tshivhalo tsha maipfi tsho fhira, kha vha vhale u swika kha fhungo la u fhedzisa li re ntha ha tshivhalo tsho tetselwaho, vha litshe ayo maawe a manweledzo o salaho.



### PHINDULO: TSHIBVELEDZWA TSHA C

NO	KHOUTHESHENI	NO	MBUNO
1	'Muswa u tea u digudisa u lumelisa vhathu musi e hothe-hothe.'	1	Muswa kha lumelise misi yothe.
2	'Muswa u fanela u ditukufhadza tshifhinga tshothe, ndi hone na vhañwe vha tshi do mu thonifha.'	2	U ditukufhadza ndi zwa ndeme kha muswa.
3	'Muswa kha digudise uri arali o khakha a disole a humbele pfarelo.'	3	Muswa kha humbele pfarelo musi o khakha.
4	'Ndi zwa ndeme uri vhaswa vha fhulufhedzee kha zwothe zwine vha ita kana u amba.'	4	Vhaswa kha vha vhe vhathu vha fhulufhedzeaho.
5	'Muswa kha vhavhalele vhañwe vhathu musi vhe vhutunguni kana vha kha nyimele dzi kondaho.'	5	Muswa kha vhe muthu ane a vhavhalela vhañwe musi vhe khomboni.
6	'Muswa u tea u amba ngoho ngauri ndi zwone zwi fhataho mvumbo yavhudi.'	6	U amba ngoho zwi fhata vuvha havhudi ha muswa.
7	'Muswa kha digudise u livhuwa misi yothe arali o thusiwa kana o fhiwa tshithu.'	7	Muswa kha livhuwe zwifhinga zwothe, arali o newa thuso.

### TSHIVHUMBEO TSHA PHARA

**PFESANI:** Iyi i tou vha tsumbo; mulingiwa ha lavhelelwi u tou i bvisa yo tou ralo kokotolo lini.

Muswa kha vhe muthu a konaho u lumelisa misi yothe. Muthu u fanela u sa dihudza musi e vhukati ha vhañwe vhathu. Muswa kha humbele pfarelo arali o ita vhukhaki. Muthu u fanela u fhulufhedzea nga zwifhinga zwothe ngauri ndi zwone zwi mu fhataho. Muswa kha vhe muthu ane a vha na mbilu ya u vhavhalela vhañwe vhathu musi vhe khakhathini. U amba ngoho zwi fhata vuvha havhudi ha muswa hu si u amba mazwifhi. Honeha u livhuwa zwifhinga zwothe zwi a vulela muthu dziphathutshedzo vhutshiloni have zwa mu nakela.

[Maipfi: 90]

**THANGANYELO YA KHETHEKANYO YA B:**

10

## KHETHEKANYO YA C: ZWIVHUMBEO NA MILAYO YA KUSHUMISELE KWA LUAMBO

### Maga a u tola/maka

- Mupeleto:
  - Phindulo ya ipfi lithihi i tea u newa maraga naho mupeleto wo khakhea, nga nda ha musu vhukhaki uho vhu tshi shandukisa thalutshedzo ya ipfi lenelo.
  - Kha phindulo ya fhungo lo dalaho, vhukhaki ha mupeleto vhu tea u newa ndatiso arali vhu kha tshivhumbeo tsha luambo lwonolwo lu lingiwaho ngalwo.
  - Hune ha lingiwa pfufhifhadzo ya ipfi (aburivesheni), phindulo i tea u newa i kha mupeleto wonewone.
- Zwivhumbeo zwa mafhungo zwi tea u vha zwi kha divhafhungo/girama yoneyone, nahone yo newa i kha mafhungo o fhelelaho/kana sa zwi ananaho na ndaela.
- Kha mbudziso dza munangelo, kha vha tangedze ZWOTHE, ledere li tshimbilelanaho na phindulo yone NA/KANA phindulo yo nwalwaho nga vhudalo.

### MBUDZISO YA 3: U SENGULUSA KHUNGEDZELO

#### PHINDULO: TSHIBVELEDZWA TSHA D

- 3.1 Mushumo wa khephusheni ndi wa u kunga uri vhatu vha de u renga khuhu na makumba.✓ (1)
- 3.2 Mitengo yashu i tou kokovha fhasi.✓ (1)
- 3.3 Mukungedzeli u shumisa mbudziso ya rethoriki a tshi toda u bvisela khagala uri a hu na muthu ane a nga vhenga khuhu na makumba avho, ngauri ndi zwavhudi.✓✓ (2)
- 3.4 B/dalesa.✓ (1)
- 3.5 Mutshila ndi -lume.✓ (1)
- 3.6 Mukungedzeli u livhisa khungedzelo iyi kha tshigwada tsha vhatu vhane vha takalela nama ya khuhu na makumba,✓ ngauri zwine zwa khou kungedzelwa afha ndi khuhu na makumba.✓ (2)



- 3.7 Mukungedzeli o kona u swikelela bono lawe nga u sumbedza:
- tshifanyiso tsha khuhu na makumba.
  - thekiniki ya fonto.
  - luambo lwa u fhuredzela.
  - Logo.
  - khephusheni.
  - vhukwamani.
  - fhethu.
  - zwifhinga zwa u vula na u vala.

### KANA

Mukukegedzeli ha ngo kona u swikelela bono lawe ngauri:

- Mukungedzeli o shaedza u nea mutengo.
  - O shaedza u shumisa fonto thukhu ya u dzumba/fhuredzela.
- [Mbuno MBILI fhedzi dzi pfalaho]√√

(2)  
[10]

### PHINDULO: TSHIBVELEDZWA TSHA E

- 4.1 Ndeme ndi ya uri mutaleli a kone u vhona muambi zwavhudi.√ (1)
- 4.2 Vhasidzana ni funesa tshikolo.√ (1)
- 4.3 Phambano ndi ya uri muthu wa 2 u pfala a na dzangalelo la u toda u guda/u vha na ndivho√ ngeno muthu wa 4 a tshi pfala a tshi khou tambula nga u dzhena tshikolo/a sa toda u guda.√ (2)
- 4.4 Vhudipfi ndi ha u takala,√ muthu wa 1 u amba a tshi imisa na zwanda ngeno tshifhatuwo tshawe tshi tshi sumbedza vhudifhulufheli.√ (2)
- 4.5 C/Li no pfukela.√ (1)
- 4.6 Ndi nga si do tolou tambula.√ (1)
- 4.7 Muthu wa 3 u tutuwedza vhagudi kha u:
- Vhalesa vha phasa vha isa phanda na pfunzo dzavho vhe dziyunivesithi/kholezhini na huwe.
  - Phasa nga maraga dza ntha uri vha kone u wana dzibasari.
  - Kondelela u dzhena tshikolo wo difunga.
- [Maraga 2 kha mbuno MBILI dzi pfalaho] √√

(2)  
[10]



## MBUDZISO YA 5: KUSHUMISELE KWA LUAMBO NGA NDILA YONE

### PHINDULO: TSHIBVELEDZWA TSHA F

- 5.1 Madi a wanalaho nkhoni a a **rotholela** zwavhudi.✓ (1)
- 5.2 Khalaniwaha ya Lutavula a hu na muthu a sa i funi **saizwi/ngauri** vhuria ho onesa.✓ (1)
- 5.3 Mutondavenda muvhuya ndi o faho ✓– Muthu u vhonele u luga hawe musi a si tsha tshila.✓ (2)
- 5.4 **Lwendo** ✓– Makhulu vho fara **lwendo** lwa u ya vhugalaphuka.✓ (2)
- 5.5 Limudi la tshitevheli.✓ Mushumo: Nyito dzi sa fani dzi bvelela mazha/khathihi.✓ (2)
- 5.6 Tshigwangwa ho ngo vhonele nga muthu musi e kati na u rekhoda/Tshigwangwa musi e kati na u rekhoda ho ngo vhonele nga muthu.✓✓ (2)
- [10]

**THANGANYELO YA KHETHEKANYO YA C: 30**  
**MARAGAGUTE: 70**

